

Simon, E. 1889. Etudes arachnologiques. 21e Mémoire. XXXI. Descriptions d'espèces et the genres nouveaux de Madagascar et de Mayotte. Ann. Soc. ent. Fr. (6) 8: 228.

Genus THYREOBÆUS, nov. gen.

*Arconco* E. Simon affinis. Oculi postici parum et fere æque distantes, in linea leviter procurva. Oculi antici in linea valde recurva, medii minores, a lateralibus quam inter se remotiores. Area mediorum trapeziformis, multo longior quam latior. Pedes sat longi, breviter pilosi, aculeis tiliarum haud distinctis, metatarsis tarsisque gracilibus et longis, metatarsis tibiis haud brevioribus, tarsis metatarsis brevioribus, Abdomen valde scutatum. Sternum postice latissime truncatum et coxæ postice transversim late distantes.

8. THYREOBÆUS SCUTIGER, sp. nov., ♀. — Long. 4,6 mill. — Cephalothorax ovatus, levis, fulvo-aurantiacus, linea marginali et, in parte cephalica, linea longitudinali infuscatis notatus. Area oculorum nigra. Abdomen late ovatum, albo-testaceum, mamillis nigro-cinctis, scuto dorsali late ovato, tertiam partem posteriorem attingente, fulvo-aurantiacus valde et dense rugoso, subtus regione epigasteris et scuto parvo præmamillari rufulis et coriaceis. Sternum fulvo-aurantiacum valde coriaceum. Pedes luridi, apice femorum, patellis tibiisque fusco-olivaceis. Area vulvæ nigra, utrinque fovea angusta et obliqua atque in medio plagula parva triquetra et fulva notata. — Madagascar.